



20 19 йил. «23» 10

№ 08-589

«  »    20    год.

**Ўзбекистон Республикаси адлия вазирининг 2019 йил 9 октябрдаги  
303–ум-сон буйруғи ижроси ҳақида**

Ўзбекистон Республикаси адлия вазирининг 2019 йил 9 октябрдаги “Ўзбекистон Республикаси адлия вазирининг 2019 йил 18 апрелдаги 127–ум-сон буйруғи билан тасдиқланган Адлия органлари ва муассасаларида кадрларни танлаш ва жой-жойига қўйиш, кадрлар захирасини шакллантириш ҳамда улар билан ишлаш тартиби тўғрисидаги низомга ўзгартириш ва қўшимчалар киритиш ҳақида”ги 303–ум-сон буйруғи ижросини таъминлаш ҳамда Тошкент давлат юридик университети (кейинги ўринларда – ТДЮУ)да кадрларни танлаш ва жой-жойига қўйиш, кадрлар захирасини шакллантириш ҳамда улар билан ишлаш тизимини янада такомиллаштириш мақсадида

**БУЮРАМАН:**

1. Ўзбекистон Республикаси адлия вазирининг 2019 йил 9 октябрдаги “Ўзбекистон Республикаси адлия вазирининг 2019 йил 18 апрелдаги 127–ум-сон буйруғи билан тасдиқланган Адлия органлари ва муассасаларида кадрларни танлаш ва жой-жойига қўйиш, кадрлар захирасини шакллантириш ҳамда улар билан ишлаш тартиби тўғрисидаги низомга ўзгартириш ва қўшимчалар киритиш ҳақида”ги 303–ум-сон буйруғи маълумот ва ижро учун қабул қилинсин.

2. Буйруқ билан:

Ўзбекистон Республикаси адлия вазирининг буйруғи билан тайинладиган (озод қилинадиган) лавозимлар рўйхатига ТДЮУ ҳузуридаги академик лицей директори, ТДЮУ ҳузуридаги академик лицей директори ўринбосарлари, ТДЮУ ҳузуридаги юридик кадрларни халқаро стандартлар бўйича профессионал ўқитиш маркази директори ҳамда ТДЮУ Ўқув-услубий бошқармаси бошлиғи киритилганлиги;

Ўзбекистон Республикаси адлия вазирлиги билан келишилган ҳолда адлия органлари ва муассасалари раҳбарларининг буйруғи билан тайинладиган (озод қилинадиган) лавозимлар рўйхатига ТДЮУнинг

кафедра мудирлари, бўлим бошлиқлари (Ахборот технологиялари маркази ва Ахборот-ресурс марказининг бўлим бошлиқлари бундан мустасно), Бош бухгалтер, марказ раҳбарлари, курс деканлари, Юридик клиника раҳбари, Илмий кенгаш котиби, Ўқув-услубий бошқармаси ходимлари, Талабалар турар жойи мудирлари ҳамда Тошкент давлат юридик университетининг Ихтисослаштирилган филиали бўлим бошлиқлари, кафедра мудирлари киритилганлиги инобатга олинсин.

3. Кадрлар бўлими (Э.Шерматов) Ўзбекистон Республикаси адлия вазирининг буйруғи билан тайинладиган (озод қилинадиган) ҳамда Ўзбекистон Республикаси адлия вазирлиги билан келишилган ҳолда Тошкент давлат юридик университети ректорининг буйруғи билан тайинладиган (озод қилинадиган) лавозимларга муносиб номзодлар ҳақида мунтама равишда таклифлар тақдим этиб борсин.

4. Мазкур буйруқ ижросини назорат қилишни ўз зиммамда қолдираман.

**Адлия вазири  
Ўринбосари – ректор**



**Р.Ҳакимов**